



HO'OU LU LĀHUI  
Regenerating Oceania  
13th Festival of Pacific Arts & Culture  
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A  
MO'OMEHEU PĀKĪPIKA (FestPAC)

**PŌ'AKAHI, LĀ 8 PEPELUALI, 2021, HOLA 2:30 'au**

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

- |                                  |   |   |
|----------------------------------|---|---|
| J. Kalani English, Luna Ho'omalū | - | 'Aha Kenekoa o Hawai'i  |
| Kalani Ka'anā'anā                | - | Ke'ena Kuleana Ho'okipa o Hawai'i (HTA)                       |
| Māpuana de Silva                 | - | Kaiāulu   |
| Monte McComber                   | - | Koho 'Ia E Ka Kia 'āina                                       |
| Richard Onishi                   | - | 'Aha Lunamaka'āinana o Hawai'i (hō'ea ma<br>ka hola 2:56 'au) |
| Makanani Salā                    | - | Ke Kūlanakauhale a Kalana o Honolulu                          |
| Hinaleimoana Wong-Kalu           | - | Ke'ena Kuleana Hawai'i (OHA)                                  |
| Jamie Lum                        | - | Ke'ena Ho'omohala Waiwai a me ka<br>Ho'okipa (DBEDT)          |

Nā Hoa Kipa:

- |                      |   |  |
|----------------------|---|--|
| Jacob Aki            | - | Luna Ho'oka'a'ike, 'Aha Kenekoa o<br>Hawai'i               |
| Jackie Burke         | - | Kaiāulu  |
| Mamiko Carroll       | - | Ko Ka Moku'āina Kahua no ka<br>Mo'omeheu a Pāheona (HSFCA) |
| Cross Crabbe         | - | Kaiāulu  |
| Hailama Farden       | - | Nā Kula 'o Kamehameha                                      |
| Lawson Fernandes     | - | Ke Kūlanakauhale a Kalana o Honolulu                       |
| Jean-Emmanuel Frantz | - | Kaiāulu  |
| Rep. Cedric Gates    | - | 'Aha Lunamaka'āinana o Hawai'i                             |
| Jimmy Hamada         | - | 'Aha Lunamaka'āinana o Hawai'i                             |
| T. Ilihia Gionson    | - | 'Ahahui Ho'okipa 'Ōiwi Hawai'i                             |
| Dede Howa            | - | Ke'ena Kuleana Ho'okipa o Hawai'i                          |
| Terrance Liu         | - | Kaiāulu  |
| Blaine Kia           | - | Kaiāulu  |
| Lynn Martin Graton   | - | Kaiāulu  |
| Malia Sanders        | - | 'Ahahui Ho'okipa 'Ōiwi Hawai'i                             |

Nā Limahana:

Margaret Ahn	-	Loio Kuhina
Marlene Hiraoka	-	DBEDT
Timothy Tiu	-	DBEDT
Scott Tome	-	DBEDT
Selma Malcolm	-	DBEDT

Nā Mihi:

Snowbird Bento	-	Kaiāulu
----------------	---	---------

### **HO'OMAKA**

Na Luna Ho'omalū English i ho'omaka i ka hālāwai ma ka hola 2:34 'aui, nāna i ho'okipa i nā mea a pau i kū mai ma ka Zoom a me ka Facebook Live.

Noi 'o Luna Ho'omalū English iā Mr. Ilihia Gionson e mālama i ka wehena.

### **'OLELO HŌ'IKE A KA LEHULEHU**

Kono akula 'o Luna Ho'omalū English i nā hoa o ka lehulehu e ho'opuka mana'o no ko ka papa kumumana'o. 'A'ohē mana'o i ho'opuka 'ia no laila ho'oholomua 'o ia i ka papa hana.

### **'ĀPONO I KA MO'O'OLELO HĀLĀWAI 11 O IANUALI & 25 O IANUALI, 2021**

Noi 'o Luna Ho'omalū English e 'ae 'ia ka mo'olelo hālāwai o ka lā 11 o Ianuali 2021 i ho'oponopono lihi 'ia. Ka'ana aku 'o Mr. Ka'anā'anā i ka mana i ho'oponopono 'ia me DBEDT a ho'olaha akula 'o ia ma ka hālāwai. Noi hou 'o Mr. McComber lāua 'o Ms. de Silva e 'ae 'ia ia mau ho'oponopono ma ka mo'olelo hālāwai o ka lā 11 o Ianuali 2021. Mālama 'ia he koho pāloka ma ke kāhea inoa a ho'oholo 'ia e nā Lālā Komikina penei: Luna Ho'omalū English, Mr. Ka'anā'anā, Ms. Lum, Mr. McComber, Ms. Salā, Ms. de Silva, Ms. Wong-Kalu. Ua lōkahi lākou ma ka 'āpono 'ana i nā mea i ho'oponopono 'ia.

Noi 'o Luna Ho'omalū English e 'ae 'ia ka mo'olelo hālāwai o ka lā 25 o Ianuali 2021 i ho'oponopono lihi 'ia. Ka'ana aku 'o Mr. Ka'anā'anā i ka mana i ho'oponopono 'ia me DBEDT a ho'olaha akula 'o ia ma ka hālāwai. Noi hou 'o Mr. McComber lāua 'o Ms. de Silva e 'ae 'ia ia mau ho'oponopono ma ka mo'olelo hālāwai o ka lā 25 o Ianuali 2021. Mālama 'ia he koho pāloka ma ke kāhea inoa a ho'oholo 'ia e nā Lālā Komikina penei: Luna Ho'omalū English, Mr. Ka'anā'anā, Ms. Lum, Mr. McComber, Ms. Salā, Ms. de Silva, Ms. Wong-Kalu. Ua lōkahi lākou ma ka 'āpono 'ana i nā mea i ho'oponopono 'ia.

### **HŌ'IKE MO'OKĀLĀ – KA HO'OLAKO I KA HO'OLAULE'A**

Na Ms. Lum i ho'olako i ka hō'ike waiwai i ho'āno hou 'ia no ka pū'ulu kālā no FestPac.

Ua nīnau akula 'o Mr. Ka'anā'anā e pili ana i ka Hō'ike Kumuloa'a ā me ke Kumulilo na DBEDT. Ua noi 'o ia i ka ho'omoakāka 'ia o ka wā e ho'ākaaka ana i ka makahiki 2018-2020 'oia i ho'omaopopo ai 'o ia i ka hō'oa 'ia o kā ka 'Aha'ōlelo māhele i ka makahiki 2017. A hō'oa mai 'o Ms. Lum i ka pololei o kēia a me ka ho'okō 'ia i ka makahiki 2018.

Ua nīnau pū 'o Mr. Ka'anā'anā inā na Stanford Carr nō ka ha'awina kālā e like me ka mea i palapala 'ia a ua hō'oia 'o Ms. Lum i ka pololei o kēia.

A laila nīnau hou aku 'o Mr. Ka'anā'anā e pili ana i ka mahele o ka pū'ulu kālā i kaupalena 'ia. Wehewehe akula 'o Ms. Lum no ka loa'a 'ole o ia pū'ulu kālā 'oiai i kaupalena 'ia he 5-10% e ke Ke'ena Mo'ohelu a 'Oihana Kālā. Hō'oia a'ela 'o Ms. Lum i ka 'ole loa o ia pū'ulu kālā. A'oa'o 'o Mr. Ka'anā'anā i ke Komikina no ka pono o ka palapala kūhelu 'ia o ia 'ano pū'ulu kālā a me ka pō'aiapili e pili pū ana me ka moakāka a pololei 'oiai 'a'ole nō i loa'a ia kālā.

### **HŌ'IKE NO KA 'AHA NO'EAU A MO'OMEHEU PĀKĪPIKA**

Hō'ike 'o Mr. McComber i ka holomua i ka 'Aha CPAC penei:

Ua hō'oia 'ia nā 'elele CPAC a me nā hui (3).

Mālama 'ia ka CPAC e ko Hawai'i a 'o Ms. de Silva ka 'elele.

E ka'a ana ka 'Aha Hana o FestPac ma lalo o CPAC, a 'o WG kā lākou inoa i ho'opokole 'ia. No Aotearoa ia mea e maka'ala ai, a no Ms. Paula Carr ia kuleana me ke kōkua a kāko'o o Miki-Tae Tapara. 'O ko lāua hope, 'o ia 'o Mr. McComber, he 'elele ho'i o Hawai'i. E ka'a ana ka 'Aha 'Ōpio (SWG) ma lalo o ka WG ma ke 'ano he kāko'o i ka ho'oholo a ho'oholomua no ka hana a ka 'Aha WG.

Hō'ike 'ia he hō'ulu'ulu a he kāmua o ka 'alemanaka ho'i i pili i ke noi e 'āpono ai. Ua helu 'ia nā lā ma ke au o Hawai'i. Ho'omaopopo a'ela 'o Mr. McCober i ka hiki koke 'ana mai o ka lā palena pau no ia noi. I loa nō a loa'a ia mau noi a pau, na kekahi Pānela Hō'oia No'eau e nā'ana. A pau kā lākou nā'ana 'ana, na ka WG e nā'ana hou, a laila mai ka CPAC, a laila mai ka SPC no ka ho'olako 'ana aku ma mua o ka 'āpono kūhelu 'ia. No ka ho'ākaaka 'ikepili kēia no nā lālā 'aha kūkā ma ka ho'olālā 'ana i ka FestPac.

Eia hou, mai ka CPAC hālāwai aku nei, ua ho'oholo 'ia ke kālele 'ia o ka 'Aha 'Ōpio ma ka lolouila. Ua nui ko ka WG a me ka CPAC makemake i kēia mana'o.

Ua hō'oia 'o Mr. McComber i ka hāpai 'ia o kēia 'aha nei i mua o Ke Kula Ki'eki'e O Kaimukī, Nā Kula 'o Kamehameha, a me Kanaeokana, 'oiai lākou i komo i ka ho'olālā 'ana no ka hanana i kāpae 'ia.

Hoihoi nō paha nā 'ōpio 'ē a'e ma Hawai'i a Aotearoa e kōkua me ka ho'olālā 'ana i ka hanana e mālama 'ia ma ka makahiki 2022. Ma ka ho'omaka, he alaina ka pono e loilo i nā pono a koina paha no ke komo 'ana o nā kau'āina 'ē a'e i ia papahana nei, e la'a ho'i me ke komo 'ana i ka pūnaewe. E hō'oia hou ana 'o Mr. McComber me ka SWG. Ua lako na'e ka pū'ulu kālā no ia papahana nei e nā hui kāko'o a lana ko Mr. McComber mana'o e lako ana ka hanana ma o ko nā lālā CPAC uku 'ana no kēlā me kēia 'elele 'ōpio o lākou. E noi 'ia ana paha he ha'awina ho'ohanohano na ke Komikina no ka loa'a o nā mea hanohano a ha'i'ōlelo, a pēlā wale aku ma ka hanana. Makemake ko ka WG Luna Ho'omalū, 'o Ms. Paula Carr ho'i, e hui me ke Komikina no ka ho'oholo pono. E makemake pū ana 'o ia e 'ike i ka 'ikepili a me nā mana'o hou aku paha e hāpai ai ma ka WG, i 'ike ke Komikina.

Nīnau 'o Mr. Ka'anā'anā iā Mr. McComber inā ua pono 'o ia ke kōkua mai ke Komikina no ka hālāwai CPAC e mālama 'ia ma ka lā 8 o Malaki 2021. 'A'ole na'e pono ke kōkua mai ke Komikina a i kēia, wahi a Mr. McComber.

Hō'ouia hou 'o Mr. Ka'anā'anā i nā kuleana e koe ana no ke Komikina FestPac i pili ho'i i ka SWG. Kuhi 'o Mr. McComber e noi ana paha ka SWG i mana'o ma ka wā e hiki mai ana, eia na'e, ua ho'oholo 'ia e mālama i ka polokalamu like i no'ono'o 'ia e mālama ma ka makahiki 2020 ma mua o kona kāpae 'ia ma ka hanana o ka makahiki 2022 a e mālama 'ia ma ka lolouila.

Ho'omana'o mai 'o Ms. de Sliva i ka mālama 'ia o ka hālāwai CPAC ma ka lā 9 o Malaki 2021 ma Pīkī, ka lā 8 o Malaki 2021 ho'i ma Hawai'i nei. E komo ana nō 'o Ms. deSilva me Mr. McComber i ia hālāwai CPAC nei, no laila, 'a'ole ana lāua komo i ka hālāwai Komikina FestPAC i ho'opa'a mua 'ia ma ia lā a hola like.

### **PAPAHANA HO'OLAULE'A – NĀ KU'UNA, KAHUA, PAPAMANAWA, A PĒLĀ AKU**

Noi ka Luna Ho'omalua English e ho'opane'e i ia kumuhana i kekahi hālāwai.

#### **HŌ'IKE NO NĀ KAHUA HO'OLAULE'A**

Hō'ike 'o Mr. Ka'anā'anā i ka pono e ho'oholo i ka papa hana ma mua o ka ho'opa'a 'ana i kahi e mālama ai. E hō'ouia na'e ana lāua 'o Ms. Sanders i nā palapala kū'ikena a kēlā me kēia Lālā Komikina no kēlā me kēia pō'aiapili i hāpai 'ia. He kōkua ia mau palapala kū'ikena i ka pane 'ē 'ana i nā nīnau e kupu mai ana paha i waena o nā 'aha 'elele. Pono e ho'oholo inā kūpono ia papa hana a me nā wahi kahi e mālama 'ia ai. Hō'ike hou 'o Mr. Ka'anā'anā no ka pono e loa'a ka 'ikepili hou aku no kekahi mau wahi e la'a ho'i me nā 'āina e ka'a ana ma lalo o ke Kūlanakauhale a Kalana o Honolulu, Ka Hale 'Aha o Hawai'i, a me Ka Hale Ali'i 'o 'Iolani. Ho'omaopopo akula ka Luna Ho'omalua English i ke Komikina i ka mālama 'ia o ka Papahana Wehena ma ka Hale Ali'i 'o 'Iolani. Na ke Komikina Salā e mālama i ke kuleana o ka maka'ala 'ana i ka holomua o nā pono o ia mau wahi. Na Ms. Sanders me Mr. Gionson e kūkulu i anakuhi e hāhai ai.

#### **HŌ'IKE NO NĀ HUI 'ĀINA – KA NUI, NĀ LĀLĀ, A PĒLĀ AKU NO NĀ HUI O HAWAI'I ME NĀ 'ĀINA 'Ē A'E**

Wehe 'o Mr. Ka'anā'anā i ke kūkā no ka heluna po'e no kēlā me kēia hui. Hāpai 'o ia i ka mana'o e 'ae 'ia he 60 lālā no ka makahiki 2024 i mea e mālama kūpono 'ia nā kūkā a kumu waiwai, keu ho'i ke kālā.

Noi ka Luna Ho'omalua English i nā Lālā Komikina i ko lākou mana'o e pili ana i ke kaupalena 'ana i ka nui o nā kānaka e 'ae 'ia ma ua hui nei:

- Kāko'o 'o Mr. McComber i ke kūpono o ka heluna 60.
- Kāko'o pū 'o Ms. de Silva. 'O ka 'ouia'i'o, ua no'ono'o 'o ia he kūpono ke 50.
- Kāko'o pū 'o Ms. Lum, 'ouia'i hilina'i 'o ia i ka po'e 'ike no kēia 'ano hanana, keu ho'i nā lālā o ia Komikina nei. No'ono'o pū 'o ia he kūpono ka heluna 60.
- Hāpai 'o Ms. Wong-Kalu i kona mau mana'o kāko'o a kōkua kekahi no ka heluna kānaka e kono ai. I kona mana'o, maika'i ka laukanaka, eia na'e, ua 'aelike 'o ia i ke kūpono o

ka heluna 60 me ka mana'o e loa'a ana nō ka hopena o ia heluna ma ka 'ao'ao ha'i'ōlelo a hō'ike'ike paha. Iā ia i huaka'i ai me nā haumāna, ua makemake 'o ia e lawe i ka nui o lākou i hiki i mea e kū i ka mana'o o "kaiāulu."

- Hāpai ka Lunamaka'āinana Onishi i ka mana'o e 'ae i ke 50 kanaka no ka manawa me ka mana'o e ho'onui i ia heluna kanaka i ke 60 ma hope inā pono.
- Kāko'o 'o Ms. Salā i ka heluna 60 no kēlā me kēia hui e komo ana i ka hanana. Ua kāko'o pū 'o ia i ka pono e pa'a ka papa hana ma ke kono 'ana i ia mau hui nei i hiki iā lākou ke ho'omakakoho kūpono i nā 'elele e kū ai nō lākou.

Ho'omaopopo ka Luna Ho'omalua English i nā Lālā Komikina i ke 'ano e mālama 'ia ai 'o FestPAC, he hui alo a he alo a ma o ka loloila kekahi. 'A'ole pa'a nā koina no ka huaka'i 'ana ma ka makahiki 2024 a 'a'ole 'ike kākou i nā ālaina a i kēia no ka pū'ulu kālā. Kāko'o 'o ia i ka mana'o e kaupalena i ka heluna kānaka i ke 60 me ka mana'o e ho'ololi inā pono. E pono pū ana e ho'olālā i ka papahana i kū i ke 'ano o ka hui 'ana, inā he hui kino a i 'ole he hui ma o ka lolouila. 'O ka lā'ana āna i ho'ohana ai no ka wehewehe 'ana i kona mau mana'o, 'o ia ke ku'i hao a me nā he'enalua i kono mua 'ia e hō'ike'ike ma ka hanana 2020 i pono 'ole paha ko lākou hō'ea i ka hanana o ka makahiki 2024.

Noi 'o MR. Ka'anā'anā e 'ae 'ia ka heluna 60 no ka palena kanaka e 'ae 'ia nō kēlā me kēia hui no ka pono o ka ho'olālā kūpono 'ana a inā nō he pono kona ho'ololi 'ia i mea e kū i ka pō'aiapili e kū nei, a laila e 'ae 'ia ka ho'ololi 'ana. Kāko'o akula 'o Mr. McComber a laila noi 'ia he koho pāloka me e kāhea inoa a ho'oholo 'ia e nā Lālā Komikina penei: Luna Ho'omalua English, Lunamaka'āinana Onishi, Mr. Ka'anā'anā, Ms. Lum, Mr. McComber, Ms. Salā, Ms. de Silva, Ms. Wong-Kalu. Ua lōkahi lākou ma ka 'āpono 'ana.

### **NĀ KĀNĀWAIE 'IMI 'IA ANA**

Aloha aku ka Luna Ho'omalua English i ka Lunamaka'āinana Cedric Gates, ka Luna Ho'omalua ho'i o ke Komikina Hale o ka Mō'aukala, No'eau, & Kuleana Kau'āina 'oia i 'o ia ma ka hālāwai. A laila ho'omaopopo akula 'o ia i ka po'e no HB625 a me ka ho'opa'a 'ia o ka lā 10 o Pepeluali 2021, hola 10:00 kak no ka ho'oholo 'ana i ia pila nei. He po'akolu ia. Hō'ike pū 'o ia no kā ka OIP ho'ouna 'ana i mana'o ho'opuka ma ka wā i lohe 'ia ka pila ma ke komikina.

Ua ho'omaopopo pū ka Luna Ho'omalua English i nā Lālā Komikina no SB696, e lohe 'ia ma ka lā 9 o Pepeluali 2021 ma ka hola 1:00 'au, he Po'alu ia, e ka 'Aha Kenekoa Ke'ena Kuleana Hawai'i.

Ua hō'ike aku 'o Mr. Ka'anā'anā no kona wala'au 'ana me Ms. Cheryl Kakazu Park, ke Po'o o OPI a no kāna wehewehe 'ana iā ia i ka pahuhopu o ke Komikina a me ke 'ano i loli ai kona kūlana ma muli o nā ālaina o kahi 'aelike kahiko. No laila 'o ia i ho'omana'o ai iā ia no ka pono e akahale ma ka ho'olālā 'ana.

Hō'ike mai 'o Mr. Ka'anā'anā i nā pāku'i ho'ololi a Ms. Park e paipai ai i mea kāko'o ma kēia ho'olālā 'ana. 'A'ole 'o ia i hiki ke hō'ea i kēia hālāwai Komikina, eia na'e ua kono 'o Mr. Ka'anā'anā iā ia e komo i kekahi aku. Ua loa'a ka 'alemanaka hālāwai no ka makahiki 2021

holo'oko'a iā Ms. Park a ua hō'oia 'o Mr. Ka'anā'anā iā ia i ka hahai pono 'ana o ia mau hālāwai i ke kānāwai Sunshine.

Hō'oia ka Luna Ho'omalū English i ka hiki ke ho'ololi i ka 'ōlelo ma ka pila ke lohe 'ia ma ka 'Aha Ho'okolokolo a i 'ole paha e ke Komikina 'Oihana Kālā.

'A'a 'o Mr. Ka'anā'anā i ke kuleana o ka hō'ike mana'o no ke Komikina ke kupu hou mai ka wā e pono ai ia hō'ike mana'o 'ana i mua o ka 'Aha'ōlelo. Ua hō'ike mana'o ke Ke'ena Ho'okipa Malihini, DBEDT, a me Mr. McComber i mua o ke Komikina Hale o ka Mō'aukala, No'eau, & Kuleana Kau'āina.

A laila hō'ike 'o Mr. Ka'anā'anā i kona hoihoi e ho'olauka'i i kā ke Komikina hō'ike mana'o i ka 'Aha'ōlelo. Kāko'o ka Luna Ho'omalū English i ko Mr. Ka'anā'anā kū 'elele no ia kuleana o ke Komikina i mea e maka'ala kūpono ai ko ka pila holomua. Kāko'o pū ka Lunamaka'āinana Onishi i ke kūpono o ka ho'okahi 'elele e kū no ke Komikina. Mahalo ka Luna Ho'omalū English iā Mr. Ka'anā'anā no ka 'auamo 'ana i ia kuleana.

Noi 'o Mr. McComber me ke kāko'o o ka Lunamaka'āinana Onishi e 'ae 'ia ko Mr. Ka'anā'anā kū 'elele 'ana no ke Komikina ma ka 'Aha'ōlelo a no ko Ms. Salā pani hakahaka e like me ka mea pono. Noi 'ia he koho pāloka ma ke kāhea inoa, a ho'oholo 'ia e nā Lālā Komikina penei: Luna Ho'omalū English, Lunamaka'āinana Onishi, Mr. Ka'anā'anā, Ms. Lum, Mr. McComber, Ms. Salā, Ms. de Silva, Ms. Wong-Kalu. Ua lōkahi lākou ma ka 'āpono 'ana.

Paipai ka Luna Ho'omalū English i nā Lālā Komikina e hō'ike mana'o, 'oia i ua hiki nō.

Ho'olaha ka Luna Ho'omalū English no ka noho 'ana o ke Kenekoa Jarrett Keohokālōle, 'o ia ka 'elele ma ke Komikina i ho'okuleana 'ia e ka Pelekikena o ka 'Aha Kenekoa. Hō'ike pū 'o ia i kona kāko'o i ka noho 'ana 'o Mr. Ka'anā'anā, 'o ia ka Luna Ho'omalū no FestPAC ma hope ona. Ua ho'omaka ka Luna Ho'omalū English e hō'ike i ke Kenekoa Keohokālōle i ka holomua o ia Komikina nei 'oia i hoihoi nō 'o ia e komo koke a me ke a'o hou 'ana no ka Pākīpika.

Noi 'o Mr. McComber me ke kāko'o o ka Lunamaka'āinana Onishi e 'ae 'ia ko Mr. Ka'anā'anā noho 'ana 'o Mr. Ka'anā'anā, 'o ia ka Luna Ho'omalū hou o FestPAC. Noi 'ia he koho pāloka ma ke kāhea inoa, a ho'oholo 'ia e nā Lālā Komikina penei: Luna Ho'omalū English, Lunamaka'āinana Onishi, Mr. Ka'anā'anā, Ms. Lum, Mr. McComber, Ms. Salā, Ms. de Silva, Ms. Wong-Kalu. Ua lōkahi lākou ma ka 'āpono 'ana.

Mahalo 'o Mr. McComber i ka Luna Ho'omalū English no kona alaka'i maika'i 'ana iā lākou a e ha'o 'ia ana 'o ia.

Ua mahalo pū 'o Ms. de Silva i ke Kenekoa English no kona alaka'i 'ana iā lākou, keu ho'i kona kōkua ma ka ho'okumu 'ana i ke Komikina ma Hawai'i. 'A'ole ia he hana na ke Aupuni. Ua ho'oholomua 'ia e nā kānaka Hawai'i. Ua nui kona mahalo iā ia no kāna hana, kona alaka'ina, a e ha'o ana 'o ia iā ia kekahi.

Ua hō'ike ke Kenekoa English i kona mahalo no ia kuleana 'o ka Luna Ho'omalū. Ua hō'ike pū 'o ia i nā loli 'ino i kupu mai ai ma ka Pākīpika i loko o nā lā pōkole i hala aku nei. 'Akahi, 'o ia ka pōpilikia nui i hua mai ai ma hope o ke kīpaku 'ia o ka Hope Po'o Nui o ke Kulanui 'o ka Pākīpika Hema. 'Alua, ka wāwahi 'ia o ke 'ano Pākīpika maoli ma muli o ke koho 'ia o kekahi 'elele no ka Pae Moku 'o Lalokona e lilo 'o ia ke Kuhina Nui e ka Hui o Nā Moku o ka Pākīpika, ma kahi o ka 'elele no Maikonekia e like me ka mea i mana'o mua 'ia. Ma muli o kēia i ho'oholo ai 'elima hou aku pelekikena Maikonekia e ha'alelel lākou kekahi.

E ho'ololi ana kēia mau hanana i ke 'ano e holomua ai ke Komikina ma ka 'ao'ao ho'olālā, keu ho'i ma nā pō'aiapili kānāwai e pili pū ana 'oiai he 60 makahiki ka lō'ihī o ka holo 'ana o ia hui nei. Eia na'e, i loko o kēia wā hulihia, ua hiki nō ke 'imi i ka ho'oikaika hou i nā pilina ma waena o ka Pākīpika.

Wahi a ke Kenekoa English, ke 'imi nei nā lāhui Maikonekia e ho'opaepae i 'Ahahui Pākīpika 'Ākau. Inā nō, he kōkua kēia i ka ho'oikaika 'ana aku i ka pilina ma waena o ka 'Ākau me ka Hema, keu ho'i ma ka pilina mō'aukala a FestPAC e 'imi ana ma ia mau wahi. Ua hiki nō ke ikaika hou aku me ke kākō'o o Moananuiākea me ka Pākīpika hou.

Mahalo 'o Ms. Wong-Kalu i ko ke Kenekoa English alaka'i 'ana i ke Komikina. Kākō'o 'o ia i ka nui o ka hana e kō ai no ko FestPAC ma muli o kēia mau loli nui o ka Pākīpika. 'O ke 'ano na'e o ko ka Pākīpika, 'o ia ka hui alo a he alo. 'Oiai nui kona hopohopo i kēia pō'aiapili e hua mai ana, nui kona kākō'o iā Mr. Ka'anā'anā ma kona 'auamo 'ana i ia kuleana alaka'i. Ma lalo o ko ke Kenekoa English alaka'ina, ua 'ike 'o ia i ka holomua nui a lana kona mana'o e ho'omau ana 'o ia i ke komo i ka hana ma kekahi 'ano.

### **'OLELO HŌ'IKE A KA LEHULEHU**

Huli ke Kenekoa English a 'ae i ka lehulehu e ho'opuka mana'o.

Hō'ike 'o Ms. Jackie Burke i kona kaumaha i ka ha'alele 'ana o ke Kenekoa English a no kona makemake iā ia e komo hou i ka hana ma kekahi 'ano.

### **KA HO'OPA'A HĀLĀWAI – PŌ'AKAHI, 22 PEPELUALI, 2021**

E mālama 'ia ana kekahi hālāwai ma ka lā 22 o Pepeluali 2021 ma ka hola 2:30 'aui.

### **HO'OKU'U**

Ho'oku'u 'o Luna Ho'omalū English i ka hālāwai ma ka hola 3:40'aui.

Me ke aloha e waiho 'ia nei,



Kenekoa J. Kalani English  
Luna Ho'omalū

02/24/2021

Lā